

passaiges de venir à nostre héritier païs, pour faire marchandises avecq navires et traficquer à Colmogrote, et au neuf chasteau de Arcange, à Volgueda, Jheruslane, et à nostre héritière ville de Nonegrote et Plesco, et à nostre ville de Mosco, ausquelz nous avons permis comme dessus faire, traficquer ez susditz lieux quand ilz viendront avecq leurs dictes marchandises soict à nostre ville de Nonegrot, Plesco, Colmogrot, Volgueda, Jheruslane (Iaroslavl) et Mosco, et à vous noz ditz subjectz et gouverneurs et lieutenans, et autres nos officiers, commandons leur donner franche commerce en payant seulement la moitié des droicz moingz de ce que payent les autres estrangers en toute(s) noz villes susdictes suivant nostre commandement, et ce pour cause et considération de ce qu'ilz ont esté les premiers François qui se sont jamais hasardés de venir à Arcange pour faire traficque à nostre païx. Que s'il leur vient marchandizes commodes pour nostre dict royaume, et s'il leur plaist venir en nostre ville de Mosco, vous les laisserés passer sans leur faire déplaisir, ny aucun empeschement, ains toute faveur et ayde, en prenant pour les droictz suivant nostre susdict commandement, lequel aiant veu en prendrez coppie sur vos registres, et leur rendez promptement leurs dictes lettres sans les faire séjourner, car tel est nostre volonté. Faict à Mosco nostre héritière ville, l'an sept mille et nonante cinq, le vingt-troisième jour de mars 1587.

« Et est sellée la dicte lettre de cire rouge, sur double queue de soye rouge, des armes de l'empereur, et au dos est escript : Par la grâce de Dieu, empereur et grand duc, Theodore de Jehan, de toutes les Reussyes.

« Obtenue à Mosco au mois de mars 1587<sup>1</sup>. »

La compagnie française qui devait faire concurrence à celle de Moscovie créée par les Anglais ne dura pas, grâce à nos guerres civiles; son directeur, Jacques PARENT, de Paris, fut arrêté à la Ciotat et, au bout de quatre ans, l'agent

1. Alfred RAMBAUD, *Russie*, I, 1890, dans le *Recueil des Instructions données aux Ambassadeurs et Ministres de France*, Introduction, pp. 15-6. — Cette pièce avait été signalée par H. OMONT, *Bul. de la Soc. de l'Hist. de Paris*, 1884.